

**SOALAN NO. 32****PEMBERITAHUAN PERTANYAAN DEWAN RAKYAT**

**PERTANYAAN :** LISAN

**DARIPADA :** YANG BERHORMAT DATUK SERI HAJI AHMAD BIN HAMZAH [JASIN]

**TARIKH :** 16 NOVEMBER 2017

**SOALAN :**

**YB Datuk Seri Haji Ahmad Bin Hamzah [Jasin]** minta **PERDANA MENTERI** menyatakan kebenaran dakwaan kononnya Malaysia mengalami defisit keyakinan yang amat tinggi dan, jika benar, apakah langkah remedi/mitigasi yang diambil untuk mengatasinya.

**JAWAPAN: YB DATO' SRI AZALINA BINTI OTHMAN SAID,**  
**MENTERI DI JABATAN PERDANA MENTERI.**

Tuan Yang di-Pertua,

Untuk makluman Ahli Yang Berhormat, Kerajaan sentiasa komited dalam memastikan pembangunan yang mapan ke arah mengejar status negara maju melalui pelbagai dasar dan program yang dirangka khusus bagi meningkatkan keyakinan rakyat dan pelabur.

Ekonomi Malaysia mencatat pertumbuhan memberangsangkan sebanyak 5.7% dalam tempoh enam bulan pertama 2017, yang disokong oleh permintaan domestik yang kukuh dan diperteguh oleh sektor luaran yang baik.

Berdasarkan perkembangan ekonomi yang rancak dalam tempoh separuh tahun pertama, KDNK benar tahun ini dijangka terus mapan antara 5.2% dan 5.7% (2016: 4.2%) melepas unjuran sebelum ini. Pendapatan negara kasar (PNK) pada harga semasa pula dianggar berkembang 9.1% kepada RM1.3 trillion dengan pendapatan per kapita meningkat 7.7% kepada RM40,713 (2016: 4.7%, RM 37,791).

Sekian, terima kasih.